

სსიპ – ივანე ჯავახიშვილის სახელობის თბილისის სახელმწიფო უნივერსიტეტის VIII მოწვევის სტუდენტური თვითმმართველობის 2021 წლის 12 ოქტომბრის არჩევნებისათვის

შექმნილი ცენტრალური საარჩევნო კომისიის

განკარგულება N 1

2021 წლის 17 სექტემბერი

ქ.თბილისი

სსიპ – ივანე ჯავახიშვილის სახელობის თბილისის სახელმწიფო უნივერსიტეტის VIII მოწვევის სტუდენტური თვითმმართველობის 2021 წლის 12 ოქტომბრის არჩევნებისათვის
შექმნილი ცენტრალური საარჩევნო კომისიის რეგლამენტის დამტკიცების შესახებ

„უმაღლესი განათლების შესახებ“ საქართველოს კანონის 45-ე მუხლის, საქართველოს განათლებისა და მეცნიერების მინისტრის 2013 წლის 11 სექტემბრის „საჯარო სამართლის იურიდიული პირის – ივანე ჯავახიშვილის სახელობის თბილისის სახელმწიფო უნივერსიტეტის წესდების დამტკიცების თაობაზე“ N135/ნ ბრძანების მე-40 მუხლის, ივანე ჯავახიშვილის სახელობის თბილისის სახელმწიფო უნივერსიტეტის სტუდენტური თვითმმართველობის 2020 წლის 23 იანვრის „ივანე ჯავახიშვილის სახელობის თბილისის სახელმწიფო უნივერსიტეტის სტუდენტური თვითმმართველობის დებულების დამტკიცების შესახებ“ N014 დადგენილებისა და სსიპ - ივანე ჯავახიშვილის სახელობის თბილისის სახელმწიფო უნივერსიტეტის სტუდენტური თვითმმართველობის არჩევნების დებულების შესაბამისად სსიპ – ივანე ჯავახიშვილის სახელობის თბილისის სახელმწიფო უნივერსიტეტის VIII მოწვევის სტუდენტური თვითმმართველობის 2021 წლის 12 ოქტომბრის არჩევნებისათვის შექმნილი ცენტრალური საარჩევნო კომისია (შემდგომში - ცესკო) ადგენს:

მუხლი 1

დამტკიცდეს ცესკოს რეგლამენტი დანართის შესაბამისად.

მუხლი 2

ცესკოს რეგლამენტი შესასრულებლად სავალდებულოა გამოქვეყნების მომენტიდან.

მუხლი 3

განკარგულება შეიძლება გასაჩივრდეს თბილისის საქალაქო სასამართლოს ადმინისტრაციული საქმეთა კოლეგიაში მისი მიღებიდან 2 კალენდარული დღის ვადაში.

კომისიის თავმჯდომარე

კომისიის მდივანი

სსიპ – ივანე ჯავახიშვილის სახელობის თბილისის სახელმწიფო უნივერსიტეტის VIII მოწვევის სტუდენტური თვითმმართველობის 2021 წლის 12 ოქტომბრის არჩევნებისათვის შექმნილი ცენტრალური საარჩევნო კომისიის რეგლამენტი

მუხლი 1. ზოგადი დებულებები

1. სსიპ-ივანე ჯავახიშვილის სახელობის თბილისის სახელმწიფო უნივერსიტეტის სტუდენტური თვითმმართველობის არჩევნებისათვის შექმნილი ცენტრალური საარჩევნო კომისია (შემდგომში-ცესკო) უზრუნველყოფს არჩევნების მომზადებას, ორგანიზებასა და ჩატარებას.
2. ცესკო თავის საქმიანობაში ხელმძღვანელობს „უმაღლესი განათლების შესახებ“ საქართველოს კანონის, საქართველოს განათლებისა და მეცნიერების მინისტრის 2013 წლის 11 სექტემბრის „საჯარო სამართლის იურიდიული პირის – ივანე ჯავახიშვილის სახელობის თბილისის სახელმწიფო უნივერსიტეტის წესდების დამტკიცების თაობაზე“ N135/ნ ბრძანების, ივანე ჯავახიშვილის სახელობის თბილისის სახელმწიფო უნივერსიტეტის სტუდენტური თვითმმართველობის 2020 წლის 23 იანვრის „ივანე ჯავახიშვილის სახელობის თბილისის სახელმწიფო უნივერსიტეტის სტუდენტური თვითმმართველობის დებულების დამტკიცების შესახებ“ N014 დადგენილების, სსიპ - ივანე ჯავახიშვილის სახელობის თბილისის სახელმწიფო უნივერსიტეტის სტუდენტური თვითმმართველობის არჩევნების დებულების, წინამდებარე რეგლამენტის და სხვა კანონქვემდებარე აქტებით.
3. რეგლამენტი განსაზღვრავს ცესკოს უფლებამოსილების განხორციელების წესს, პროცედურას, ცესკოს აპარატის სტრუქტურას, საქმიანობის წესსა და უფლებამოსილებას.
4. ცესკოს აქვს ბეჭედი და უზრუნველყოფს საარჩევნო დებულების ერთგვაროვან გამოყენებას წინამდებარე რეგლამენტისა და განკარგულებების საფუძველზე.
5. ცესკოს მისამართია: ქ. თბილისი, თსუ-ის პირველი აკადემიური კორპუსი, 202-ე აუდიტორია.
6. ცესკოს ხელმძღვანელობს თავმჯდომარე და წარმოადგენს მესამე პირებთან ურთიერთობაში.
7. ცესკოს სამუშაო დღედ არჩევნების საბოლოო შედეგების გამოცხადებამდე ითვლება ყველა კალენდარული დღე გარდა კვირა დღისა. სამუშაო დღის 10:00სთ-დან 18:00სთ-მდე (შესვენება 13:00სთ-დან 14:00სთ-მდე) აწარმოებს განცხადებების მიღებასა და მათზე რეაგირებას.
8. ცესკოს სამართლებრივი აქტებია:
 - ა) ცესკოს განკარგულება;

- ბ) ცესკოს თავმჯდომარის განკარგულება; გ) ცესკოს მდივნის განკარგულება;
- დ) საუბნო საარჩევნო კომისიის განკარგულება;
- ე) საუბნო საარჩევნო კომისიის თავმჯდომარის განკარგულება.

მუხლი 2. ცესკოს შემადგენლობა

1. ცესკო შედგება 7 წევრისაგან, რომლებიც პირველივე შეკრებისთანავე ირჩევენ თავმჯდომარეს, მოადგილესა და მდივანს. გადაწყვეტილება მიიღება საარჩევნო კომისიის წევრთა შემადგენლობიდან სრული შემადგენლობის უმრავლესობით სახელობითი კენჭისყრით.

2. ცესკოს თავმჯდომარის, თავმჯდომარის მოადგილის, მდივნის თანამდებობებზე კანდიდატებად განიხილებიან კომისიის შემდეგი წევრები:

ა) ცესკოს თავმჯდომარეობის კანდიდატად – კომისიის არანაკლებ 2 წევრის მიერ წამოყენებული კანდიდატურა;

ბ) კომისიის თავმჯდომარის მოადგილეობის კანდიდატად – კომისიის თავმჯდომარის მიერ წამოყენებული კანდიდატურა;

გ) კომისიის მდივნობის კანდიდატად – კომისიის თავმჯდომარის ან კომისიის არანაკლებ 2 წევრის მიერ წამოყენებული კანდიდატურა.

3. ერთი და იმავე კანდიდატის დასახელება შეიძლება მხოლოდ ორჯერ.

4. თუ დადგენილ ვადაში ვერ აირჩა ცესკოს თავმჯდომარე, თავმჯდომარის მოადგილე და მდივანი, აღნიშნული თანამდებობის პირის მოვალეობას მის არჩევამდე ასრულებს ის კანდიდატი, რომელიც არჩევნებისას ყველაზე მეტ ხმას მიიღებს, ხოლო ხმათა თანაბრად გაყოფის შემთხვევაში – წილისყრით განსაზღვრული პირი.

5. თუ ცესკოს თავმჯდომარეს და თავმჯდომარის მოადგილეს ერთდროულად ან კომისიის მდივანს დროებით არ შუძლიათ ამ დებულებით განსაზღვრული ისეთი მოვალეობის შესრულება, რომელიც მათ უფლებამოსილებას მიეკუთვნება, კომისია თავისი შემადგენლობიდან ამ მუხლის 1-ლი და მე-2 პუნქტებით დადგენილი წესით დაუყოვნებლივ ირჩევს კომისიის თავმჯდომარის ან მდივნის მოვალეობის შემსრულებელს. კომისიის თავმჯდომარის მოვალეობის შემსრულებლის უფლებამოსილება შეწყდება, როგორც კი კომისიის თავმჯდომარე ან თავმჯდომარის მოადგილე შეძლებს თავისი უფლებამოსილების განხორციელებას, ხოლო კომისიის მდივნის მოვალეობის შემსრულებლის უფლებამოსილება შეწყდება, როგორც კი მდივანი შეძლებს თავისი უფლებამოსილების განხორციელებას.

მუხლი 3. ცესკოს კომისიის წევრის უფლებამოსილების ვადა

1. ცესკოს უფლებამოსილების ვადა იწყება საარჩევნო კომისიის პირველი შეკრების დღიდან და წყდება ამ დებულებით გათვალისწინებული ყველა პროცედურის დასრულებისთანავე.

2. საარჩევნო კომისიის წევრის უფლებამოსილება წყდება კომისიაში მისი შემცვლელი წევრის არჩევისთანავე.

3. ცესკოს წევრისთვის უფლებამოსილების ვადამდე შეწყვეტის საკითხს წყვეტს ცესკო.

4. ცესკოს წევრს უფლებამოსილება შეიძლება შეუწყდეს:

ა) პირადი განცხადებით;

ბ) არასაპატიო მიზეზით კომისიის სხდომის ზედიზედ 2-ჯერ გაცდენის შემთხვევაში.

2. ცესკოსა თავმჯდომარე, თავმჯდომარის მოადგილე, მდივანი თანამდებობიდან ვადამდე თავისუფლდებიან კომისიის განკარგულებით:

ა) ცესკოს თავმჯდომარის, თავმჯდომარის მოადგილის, მდივნის პირადი განცხადების საფუძველზე;

ბ) არასაპატიო მიზეზით საარჩევნო კომისიის თავმჯდომარის, თავმჯდომარის მოადგილის, მდივნის უფლებამოსილების შეუსრულებლობის ან არასაპატიო მიზეზით საარჩევნო კომისიის სხდომის ზედიზედ 2-ჯერ გაცდენის შემთხვევაში;

3. ცესკოს თავმჯდომარის გადადგომის (გადაყენების) ან ცესკოს წევრის უფლებამოსილების შეწყვეტის თაობაზე უნდა ეცნობოს სტუდენტურ თვითმმართველობას;

4. ცესკოს თავმჯდომარის, თავმჯდომარის მოადგილის ან მდივნის გადადგომის (გადაყენების) თაობაზე განცხადება წარედგინება ცესკოს;

5. აკრძალულია ერთი და იმავე საფუძველით ცესკოს თავმჯდომარის, თავმჯდომარის მოადგილის ან მდივნის თანამდებობიდან გადაყენების, აგრეთვე კომისიის წევრისთვის უფლებამოსილების ვადამდე შეწყვეტის შესახებ საკითხის დაყენება 7 დღის განმავლობაში ზედიზედ ორჯერ.

6. თუ გადადგომის (უფლებამოსილების შეწყვეტის) თაობაზე განცხადება 2 დღის ვადაში არ დაკმაყოფილდა, საარჩევნო კომისიის თავმჯდომარე, თავმჯდომარის მოადგილე ან მდივანი თანამდებობიდან გადამდგარად ჩაითვლება, ხოლო საარჩევნო კომისიის წევრს კი უფლებამოსილება შეუწყდება ამ ვადის გასვლის მომდევნო დღიდან.

მუხლი 4. ცესკოს უფლებამოსილება

1. ცესკო თავისი უფლებამოსილების ფარგლებში:

ა) უზრუნველყოფს არჩევნების გამართვას, აკონტროლებს დებულების შესრულებას და უზრუნველყოფს მის ერთგვაროვნად გამოყენებას;

ბ) იღებს საარჩევნო კომისიის რეგლამენტს;

გ) თუ შეუძლებელი გახდა ამ დებულებით დადგენილი გარკვეული მოთხოვნების შესრულება და ვადების დაცვა, უფლებამოსილია განკარგულებით განსაზღვროს საარჩევნო ღონისძიებები და მათი ვადები; ასევე, აუცილებლობის შემთხვევაში, სტუდენტურ

თვითმმართველობას წარუდგინოს წინადადება ახალი არჩევნების თარიღის დანიშვნის თაობაზე;

დ) უზრუნველყოფს საუბნო საარჩევნო კომისიების დაკომპლექტებას; კოორდინირებული საქმიანობისათვის თანამშრომლობს თსუ-ს ადმინისტრაციასთან, კერძოდ, კენჭისყრის ოთახებისა და მათი მოწყობისათვის საჭირო ინვენტარის გამოყოფით, საუბნო საარჩევნო კომისიების დაკომპლექტებისათვის ცესკოს დავალებით თსუ ადმინისტრაციის მიერ უნივერსიტეტის ფაკულტეტებთან თანამშრომლობა. ცესკო უფლებამოსილია დადგენილ ვადებში საუბნო საარჩევნო კომისიების დაკომპლექტების შეუძლებლობის შემთხვევაში, თვითონ უზრუნველყოს საუბნო საარჩევნო კომისიის წევრთა შერჩევა და დამტკიცება. ასევე, თსუ ადმინისტრაცია ვალდებულია არჩევნების ორგანიზებისა და ჩატარებისათვის ცესკოს მიერ განსაზღვრულ საქმიანობასა თუ ღონისძიებების განხორციელებას შეუწყოს ხელი.

ე) მარტივი უმრავლესობით ირჩევს საუბნო საარჩევნო კომისიის თავმჯდომარეს;

ვ) თუ საუბნო საარჩევნო კომისია არ ან ვერ ასრულებს დებულებით დაკისრებულ მოვალეობას, უფლებამოსილია განკარგულებით, რომელიც მიიღება სრული შემადგენლობის სულ ცოტა ორი მესამედით, უფლებამოსილება შეუწყვიტოს ამ კომისიას, და შექმნას დროებითი ჯგუფი, რომელსაც კომისიის ხელახლა შექმნამდე დაეკისრება მისი უფლებამოსილების განხორციელება;

ზ) უზრუნველყოფს საარჩევნო საბუთების, საარჩევნო ყუთების, საარჩევნო კონვერტებისა და საარჩევნო კომისიების ბეჭდების დამზადებასა და საუბნო საარჩევნო კომისიების მომარაგებას;

თ) ამ დებულებით განსაზღვრული ვადების შესაბამისად განკარგულებით ადგენს საარჩევნო ღონისძიებათა გრაფიკს;

ი) ამტკიცებს განმეორებითი კენჭისყრის დღეს;

კ) განცხადების (საჩივრის) საფუძველზე ამოწმებს საარჩევნო კომისიების, მათი თანამდებობის პირების გადაწყვეტილებებისა და აქტების კანონიერებას და დარღვევის გამოვლენის შემთხვევაში განკარგულებით აუქმებს ან ცვლის მათ. საჩივრის შემოსვლის შემთხვევაში იღებს გადაწყვეტილებას შესაბამისი საუბნო საარჩევნო კომისიიდან შემოსული პაკეტების გახსნის, საარჩევნო ბიულეტენების ან სპეციალური კონვერტების ხელახლა დათვლისა, ასევე ამომრჩეველთა სიების გადამოწმების შესახებ;

ლ) საუბნო საარჩევნო კომისიების კენჭისყრის შედეგების შემაჯამებელი ოქმების საფუძველზე ადგენს თსუ-ის ფაკულტეტის სტუდენტური თვითმმართველობის წარმომადგენლობითი ორგანოს არჩევნების შედეგებს და განკარგულებით სრული შემადგენლობის ორი მესამედით ამტკიცებს ცესკო შემაჯამებელ ოქმს;

მ) ახორციელებს დამკვირვებლებისა და საარჩევნო სუბიექტთა წარმომადგენლების უფლებამოსილებებს; განსაზღვრავს მათ უფლებამოსილებებს.

ნ) უზრუნველყოფს საინფორმაციო მასალის გამოქვეყნებასა და გავრცელებას;

ო) განიხილავს არჩევნებთან დაკავშირებულ განცხადებებსა და საჩივრებს და თავისი უფლებამოსილების ფარგლებში იღებს სათანადო გადაწყვეტილებას;

პ) ადგენს ამომრჩეველთა ერთიან სიას, ახდენს მის დამუშავებასა და საჯარო ინფორმაციისათვის განკუთვნილი ნაწილის ინტერნეტში განთავსებას;

ჟ) ცესკო უზრუნველყოფს საუბნო საარჩევნო კომისიის წევრთა გადამზადებას;

რ) ახორციელებს საარჩევნო დებულებით მინიჭებულ სხვა უფლებამოსილებას.

2. ცესკოს ყველა განკარგულება ქვეყნდება თსუ-ის ვებ-გვერდზე და შეიძლება გამოქვეყნდეს მასობრივი ინფორმაციის სხვა საშუალებებითაც.

მუხლი 4¹. ცესკოს აპარატი

1. ცესკოს აპარატის შექმნა ხდება ცესკოს გადაწყვეტილების საფუძველზე არჩევნების ჩატარების ორგანიზაციული, სამართლებრივი და ტექნიკური უზრუნველყოფის მიზნით.

2. ცესკოს აპარატი შეიძლება დაკომპლექტდეს არანაკლებ 3 ადამიანისაგან, რომლებიც ცესკოს ხელმძღვანელი პირებისა და ცესკოს დავალების საფუძველზე უზრუნველყოფენ საარჩევნო ადმინისტრაციის საქმიანობისა და საარჩევნო პროცედურების გამართვას.

მუხლი 5. საუბნო საარჩევნო კომისიები

საუბნო საარჩევნო კომისიების დაკომპლექტება, წევრის/წევრების უფლებამოსილება, უფლებამოსილების ვადა და შეწყვეტის საფუძველები განისაზღვრება საარჩევნო დებულებითა და წინამდებარე რეგლამენტის მე-2-მე-4 მუხლების შესაბამისად.

მუხლი 6. კენჭისყრის დღე

საუბნო საარჩევნო კომისიები საარჩევნო დებულებითა და ცესკოს მიერ მიღებული გადაწყვეტილების საფუძველზე უზრუნველყოფენ კენჭისყრის დღის პროცედურების აღსრულებას.

მუხლი 7. საარჩევნო კომისიის სხდომის საჯაროობა და კენჭისყრის ოთახში ყოფნის უფლების მქონე პირები

1. საარჩევნო კომისიის სხდომა ღიაა. საარჩევნო კომისიის სხდომაზე დასწრების უფლება აქვთ ზემდგომი საარჩევნო კომისიის წევრებს, შესაბამისი და ზემდგომი საარჩევნო კომისიების აპარატის თანამშრომლებს, საარჩევნო სუბიექტების თითო წარმომადგენელს ცესკოში, საერთაშორისო ორგანიზაციის ცესკოში რეგისტრირებულ თითო დამკვირვებელს თარჯიმანთან ერთად, ადგილობრივი დამკვირვებელი ორგანიზაციის შესაბამის კომისიაში რეგისტრირებულ თითო დამკვირვებელს, პრესისა და მასობრივი ინფორმაციის სხვა საშუალებათა შესაბამის კომისიაში აკრედიტებულ წარმომადგენლებს. წესრიგის დარღვევისა და საარჩევნო კომისიის მუშაობისათვის ხელის შეშლის შემთხვევაში კომისიას უფლება აქვს წესრიგის დამრღვევი სხდომიდან გააძევოს.

2. კენჭისყრის ოთახში ყოფნის უფლება აქვთ:

ა) ცესკოს და საუბნო საარჩევნო კომისიების წევრებს;

ბ) ცესკოს წარმომადგენლებს;

გ) პრესისა და მასობრივი ინფორმაციის სხვა საშუალებების აკრედიტებულ წარმომადგენლებს;

ე) დამკვირვებლებს;

ვ) საარჩევნო სუბიექტთა წარმომადგენლებს.

3. კენჭისყრის ოთახში ყოფნის უფლების მქონე ყველა პირი უნდა ატარებდეს მისი ვინაობისა და სტატუსის აღმნიშვნელ სამკერდე ნიშანს (მოწმობას), რომელზედაც აღნიშნული უნდა იყოს გვარი, სახელი და სტატუსი.

მუხლი 8. საარჩევნო კომისიების საქმიანობისათვის ან სხდომის ჩატარებისათვის ხელის შეშლა

ცესკო უფლებამოსილია განსაზღვროს საარჩევნო კომისიების საქმიანობისათვის ან სხდომის ჩატარებისათვის ხელის შეშლისა და წესრიგის დარღვევის შემთხვევაში შესაბამის პირთა სხდომიდან ანდა კომისიის ოთახიდან გაძევების წესები, რომელთა თაობაზეც უნდა შედგეს გაძევების აქტი, ხოლო უშუალოდ სხდომის მიმდინარეობისას სხდომიდან გაძევების საკითხზე გადაწყვეტილებას იღებს საარჩევნო კომისია, რაც აღინიშნება სხდომის ოქმში.

მუხლი 9. უფლებამოსილ პირთა მიერ სხდომაში მონაწილეობა

ცესკო უფლებამოსილია განსაზღვროს უფლებამოსილ პირთა სხდომაში მონაწილეობის წესი და დრო.

მუხლი 10. წინასაარჩევნო კამპანია/აგიტაცია

ცესკო უფლებამოსილია განსაზღვროს წინასაარჩევნო კამპანია/აგიტაციის წესები, ასევე, კენჭისყრის დღეს საარჩევნო უბანზე აგიტაციის აკრძალვის წესები.

მუხლი 11. ფოტოვიდეო გადაღების წესი

ცესკო უფლებამოსილია განსაზღვროს ცესკოსა და საუბნო საარჩევნო კომისიების სხდომებსა და კენჭისყრის დღეს ფოტო-ვიდეო გადაღების წესები.

მუხლი 12. არჩევნების შედეგები

ცესკო საარჩევნო დებულების საფუძველზე უზრუნველყოფს არჩევნების შედეგების დადგენას, გამოცხადებასა და სტუდენტური თვითმმართველობის საერთო კრების მოწვევას არჩევნების შედეგების გამოცხადებიდან 7 დღის ვადაში.

მუხლი 13. არჩევნების უსაფრთხო გარემოში ჩატარება

კორონავირუსით (SARS-CoV-2) გამოწვეული ინფექციის (COVID-19) გავრცელების პრევენციის მიზნით ცესკოს იღებს გადაწყვეტილებას კენჭისყრის დღეს ოთახებში საინტარულ-ჰიგიენური ნორმების დაცვის თაობაზე.